

# Powšitkowne WOZJEWJENJA

njedźelu, 19. apryla 2020

## Wusyłanje Božich službow live

Serbskorěčnu Božu mšu móža wěriwi tutu njedźelu Božeje miłosće, 19. apryla, znowa jako livestream w interneće sčehować. Dopoldnja w 9 hodž. přenjese so wona z Radworskeje cyrkwy. Kemše změje wosadny farar Beno Jakubaš. Přichodnu njedźelu, 26. apryla, přenjese so Boža mša z fararjom Šćěpanom Delanom z Ralbic. Linkaj k wusyłanju přez internet stej na stronje [www.posol.de](http://www.posol.de) podatej. Štóž nima přistup k internetej, móže Božej mši w samsnym času přez sćelak MDR-Serbski rozhłós přijimać.

## Žiwy kubłanski podcast

Katolska akademija Drježdžansko-Mišnjanskeho biskopstwa je srjedu, 8. apryla, nowy format „Z wutrobu a stejščom. Žiwy podcast“ zahajiła. Přichodnje jimaja so eksperca wšelakich fachowych směrow słowa a zabjeru stejščo k wědomostnym, towaršnostnym, kulturnym a cyrkwiskim prašenjam našeho časa. Stafla džesać epizodow wěnuje so tuchwilnym wužadanjem koronoweje pandemije a praša so skónčnje za Bohom w tutej krizy. Přenje tři epizody noweho podcasta su na internetowej stronje Katolskeje akademije hižo přistupne: W přenjeji podawa benediktinski pater Anselm Grün pokiwy, kak móže so žiwjenje w karantenje poradzić. Čichu sobotu wozjewichu druhu epizodu z tekstem českeho teologa profesora dr. Tomaša Halíka, kotryž wupraji so k teologii w koronowej krizy. Drježdžansko-Mišnjanski biskop Heinrich Timmerevers tutón tekst rěči. W třećeji epizodze wěnuje so profesor dr. Gerhard Fettweis nowej koronowej app. Dalše epizody maja so stajnje na wutorach wozjewić. Link k tomu je na [www.posol.de](http://www.posol.de) podaty.

## Studentka pyta Serbow k wotmołwjenju naprašnika

Melina Kubista, studentka Mnichowskeje University Ludwiga a Maximiliana, prosy wo podpěru. We wobłuku swójeho bacheloroweho džěła přewjeduje wona slědžerski projekt wo integraciji a spěchowanju serbskeje mjeńšiny w Němskej. K tomu je naprašnik zestajiła, kotryž so na spěchowanje rěče a kultury, identitu a politiku počahuje. Prosy wo to, zo by tójšto Serbow na wšelake prašenja wotmołwiło. Naprašowanje, na kotrež je link pod [www.posol.de](http://www.posol.de) wozjewjeny, je anonymne a traje něhdže 15 mjeńšin.

## Telefoniske poradžowanje

Hornjołužiski zwjazk Carity z.t. poskičuje w koronowej krizy telefoniske poradžowanje, ale tež prosće rozmołwy z tymi, kiž maja žadosć za tym, z někim so rozmołwjeć móc. Sobudželačerjo Carity su wot pónđzele do pjatka wot 8 do 16 hodž. pod telefonowym čisłom (0 35 91) 49 82 20, ale tež pod mailowej adresu [beratung@caritas-oberlausitz.de](mailto:beratung@caritas-oberlausitz.de) docpějomi.